



Niuspepa bilong ol Papua Niugini stret

Wantok 12t

Karkar Yut Grup

pes 5




Amerika Popaia

pes 9

Boksen Taitel

pes 18

We stap ol Plis?



Mis Olidia Itona bilong Gordons i gat bikpela wari. Long wanem em i pret bai plis i no inap i kam kwiktaim sapos trabel i kamap gen long haus bilong em.

Misis Kristina bilong Waigani wok long soim ol wantok bilong em hap we ol raskol i bin bruk i go insait.

Misis Pepesua Lolove wok long soim niusman bilong Wantok hap ol raskol i go insait long en. Haus bilong em i stap long Tokarara.

Wan wan manmeri na pikinini i stap long biktaun Mosbi na Lae i painim laip i no isi olsem bipo. Planti taim ol i save kisim bagarap long ol lain raskol o stilman i stap insait long taun na siti.

Tasol bikpela wari bilong ol i go olsem. Taim trabel i kamap ol i no save kisim helpim kwiktaim long plis. Planti lain i tok kros. Ol i tok, plis i save kamap bihain tru o sampela taim ol i no save kam long hap we trabel i bin kamap.

Wanpela meri nem bilong em, Misis Pepesua Lolove bilong hap bilong Tokarara insait long Mosbi i tok, em i bin ripot long plis long ol lain stilman i brukim haus bilong em. Tasol plis i no bin mekim wanpela samting yet.

Em i tok trabel ya i bin kamap long Ista wiken. Tasol inap nau no gat wanpela samting plis i mekim. Em i bin tokim opisa husat i kisim toktok o ripot. Em i tokim em long nem bilong ol lain em i ting ol brukim haus bilong em.

Tasol plis i no, kisim ol. Misis Lolove

i tok, em i bilip olsem sampela plisman i wantok bilong ol lain stilman. Olem na em i no laik kotim ol.

Narapela meri em Misis Kristina Daka bilong Waigani insait long Mosbi yet. Em i tok em i les pinis long ol plisman tu. Insait long tupela mun tasol ol lain raskol i bin brukim haus bilong

em 5-pela taim. Planti samting bilong ol i bin lus.

Em i tok, em wantaim man bilong em i wari tru long wanem, i no bin i gat gutpela helpim i kam long ol plisman. Em i tok, plis i bin tokim em olsem, em yet mas putim wanpela wasman long lukautim haus bilong em taim

ol i slip o i wok.

Misis Daka i tok, i no longtaim i go pinis wanpela lain raskol i bin stilim ka bilong wanpela wantok i stap klostu tasol long em. Taim man bilong em i go long Boroko Plis Stesin long biknait em i bungim 5-pela plisman. Ol i tokim em olsem i no bin i gat inap plisman long i go salim kwiktaim. Ol patrol ka tu i no i stap.



Wanpela plisman i laik kisim stori long em.

Tasol taim em i laik raitim stori ya, em i painim olsem em i no gat pen bilong rait.

Misis Daka i tok plis i bin promis long salim wanpela patrol ka tasol ol i no bin salim. Long neks de plis painim ka long

i go moa long pes 2.

Smatpela man i save baim sea long Invesmen Koporesen

Sapos yu laik save moa rait i kam long

Investment Corporation of Papua New Guinea

P. O. Box 155, Port Moresby.





BAS SEVIS

Inap tupela wik nau Mosbi i no gat bas moa. Ol PMV tasol i wok. Minista bilong Transpot i tok, Gavman i no inap helpim ol bas kampani. Em i tok, i mobeta yumi givim senis long ol PMV. Em i tok, em i laik bai planti liklik bisnisman i kam insait long dispela wok.

Dispela tingting i gutpela tasol ol pipel i ting wanem? Minista i askim ol man i no gat ka?

Ol man i gat ka olsem minista o bisnisman o risman i no wari. Tasol olsem wanem long wokman i silip long Gerehu na wok long Kone? PMV inap bringim em long wok o em lusman?

Olsem wanem long ol man i laik lukim ol pilai long Sarere — Sande? PMV i stap we taim pilai i pinis?

Olsem wanem sapos papa bilong PMV i les long go long wok. Husat bai kisim ples bilong em?

Ol pipel i gat planti kain askim long nupela aidia bilong Minista. Mobeta Minista yet i tingim ol dispela askim na bekim gut toktok. Nogut Gavman i helpim wan wan bisnisman na bagarapim bikpela lain wokman.

We stap ol Plis?

i kam long pes 1.

baksait bilong Morata na pulim i go long Boroko. Tasol ol i no tok save long papa bilong ka inap papa bilong ka yet painimaut olsem ka bilong em i slip nating i stap long plis stesen.

bilong ol.

Kwik taim ol i go tok save long plis. Tasol plis i no i kam inap wan aua bihain taim ol lain raskol i ranawe pinis.

Em i tok, plis i kam tasol kisim mak bilong finga. Na ol i no harim moa long ol.

Magdaline, em susa bilong Olidia i tok, i luk olsem plis stesin long Boroko i no gat wok. Planti komplek i stap naitng. Plis i no save tru wok bilong ol na holim pasim o kotim ol trabel man.

Franzalbert Joku

Laikim Yut Departmen

Nesenel yut kaunsil i singaut strong tru long Gavman long kirapim wanpela dipatmen bilong yut yet. Ol i mas kolim dispela dipatmen olsem Dipatmen bilong Yut.

Kaunsil i askim tu Gavman long sekim olgeta wok bilong yut i go long dispela dipatmen.

Kaunsil i wokim dispela askim bihain long ol i holim namba 5 Nesenel Yut kaunsil kibung bilong ol long 29 Epril, insait long Mosbi.

Ol i askim tu Gavman long givim wok bilong Uben Erias Ektiviti skim i go long dispela nupela dipatmen. Ol arapela wok tu bilong helpim

ol yut bilong dispela kantri i mas go insait tu long lukaut bilong dispela dipatmen.


Long kibung bilong ol kaunsil, ol i tok dispela K750 tausen kina Gavman i putim i go long Uben Erias ektiviti skim i helpim ol yut i stap long ol taun tasol.

Gavman i putim tu narapela K750 tausen long helpim ol yut bilong ol ples. Ol i givim dispela mani insait long progrem ol i kol-

im Nesenel Yut Skim.

Kaunsil i tok, mobeta Gavman i mas putim arapela 6 milien 7 handet na 50 tausen kina (K6,750,000) i go insait long helpim ol yut bilong ples.

Yut kaunsil i wari olsem olgeta gavman dipatmen i no wok bung wantaim. Ol i mas wokim wanpela lo tasol long helpim ol yut bilong taun na ples. Long dispela



Francis Misso, Kuskus, Nesenel Yut Kaunsil.

taim ol wok bilong helpim ol yut i stap long planti dipatmen. Olsem wok i no go stret.

Ol i tok, sapos

wanpela dipatmen tasol i lukautim wok bilong helpim yut orait wok bai go gut.

Ben Kasanda

Laikim Moa Pablik Sevan long ol Provins

Minista bilong ol Provins, Pater John Momis i askim pinis Paim Minista long pinisim wanpela pasin i stap long ol gavman dipatmen. Em i tok long dispela pasin long pasim ol pablik sevens i stap long Mosbi long mekim wok bilong Nesenel Gavman.

Ol dipatmen bilong Nesenel Gavman i wok long kamap bikpela tru nau. Tasol, ol pablik sevens i no save mekim planti wok. Dispela tok i kam long maus bilong Pater John Momis long taim ol provinsal sekreteri i kibung long Goroka long Me 28.



Ol provinsal sekreteri kibung long Goroka. Pater Momis i sindaun long namel.

Em i tok, namel long Jun 1977 na Jun 1979, namba bilong ol pablik sevens i go antap tru. Namba i go antap olsem 11.2 pesen. Em i tok, planti bilong ol dispela pablik sevens i wok i stap long Mosbi. Tasol i no gat planti tumas long ol provins nabaut. Tasol em i tok, planti pablik sevens i mas go aut long ol provins na mekim wok bilong ol long ol provins.

wanem, em i no bin kamap long kibung bilong ol. Na tu em i no bin makim wanpela arapela man long kam sanap makim em long kibung.

Pater Momis i mekim sampela senis long dipatmen bilong em pinis. Nau, dipatmen bilong ol provins i no bikpela tumas. Olsem na Pater Momis i tok, bai i isi long kamapim gutpren namel long olgeta wan wan provinsal gavman. Na tu namel long nesenel gavman na ol provinsal gavman.

Pater Momis i tok, "Ol bikpela pablik sevens i no save laik tilim sampela pawa bilong ol i go long ol opisa i stap long ol provins.

Long dispela kibung, ol provinsal sekreteri i mekim wanpela vot ov no konfidens (ol i no laik) long komisina bilong pablik sevis, Mista Pious Kerepia. Ol lain sekreteri i tok, ol i gat belhevi long Mista Kerepia. Long

Tasol em i tok, ol sinia pablik sevens bilong tripela gavman dipatmen i no amamas long dispela senis em i bin mekim. Ol i bin traim long pasim dispela senis. Em i tok, ol pablik sevens long Mosbi i gat kain kain belhevi long ol provinsal gavman.

E. Paine

TAMBU TORO

TORO WOK SEKYURITI I STAP. EM AI RAUN NA GO LAIK GO LONG HAUS IKAU



EM TOK MERI BILONG EM, LOKI.



LOKI WOK LONG SANAP LUKAUTIM PLES I STAP OL RASKEL LAIK TRIKIM MERI.



MERI KIRAP BIKMAUS NA EM LUSIM WOK NA GIUM 60 I GO LONG HAUS.



Ka Kilim Planti Man

Samting olsem 30 man i dai pinis taim ol i painim birua long ka. Ol i dai insait long 3-pela wik i go pinis. Planti bilong ol dispela birua i kamap bihain tasol long ol draiva i dring na spak pinis.

Insait long wanpela taim ka bilong ol i 8-pela man olgeta i Sarere long wik i go bam long Mosbi tu. dai long dispela ol pinis, 4-pela man i dai Sampela birua long rot i kamap tu long birua. taim tupela ka i bam long Hohola long arapela provins insait Ol dispela birua i Mosbi. long dispela tripela kamap long Isten Hailans, Westen Hailans narapela 3-pela i long Morobe provins. kisim bikpela bagarap Samting olsem

● Ben Kasanda



Poto ya i soim taim bihain bilong tupela ka. Tupela draiva bilong ka i kranksi liklik. Klostu tru wanpela liklik pikinini boi i dai long dispela birua. Em i flai kam ausait na pundaun long kolta. Tasol em i no dai. Boi ya i ran long PMV em sanap long raithan. Birua i kamap long Korobosea, Mosbi.

Lus long Buai

Yupela long arapela provins, yu painim buai olsem wanem? Yu tuhat nabaut long painim? O, ating yupela i go long maket na baim hamas buai yupela laikim. Em isi tasol long baim.

Sori, long Mosbi siti ol manmeri bilong kai-kai buai i painim taim stret. No gat wanpela Mekeo i kamap long maket long salim buai. Ol pipel i kros. Ol bai i no inap kam long maket na salim buai na kaikai long 1-pela mun stret.

Ol i protes long soim olsem ol i no amamas long ol raskol i save kam bagarapim maket bilong ol. Ol i laik olsem ol plis o ol sekyuriti gat i mas stap was long maket. Sori, ol man bilong buai, taim tit bilong ol i pen, em nau ol i painim buai long olgeta haus. Taim ol i painim buai i luk olsem ol i painim blek maket bia stret.

Mipela long Wantok Niuspepa i go raun las wik Fonde 8 Me long painim buai long olgeta maket, tasol i no gat wanpela man i salim buai. Planti man i tok, ol pipel i save salim buai long haus. Em nau mipela i go lukautim buai long haus. Mipela bungim wanpela meri i

salim buai. Dispela meri em bilong Epina Viles long hap bilong Bereina. Misis Elizabeth Aisa i tok, em i pret long salim buai bilong em long maket olsem na em i salim long haus bilong em. Sentral Provinsal Gavman tu i tambuim ol man long bringim buai i kam long maket.

Misis Aisa i tok, ol pipel long hap bilong em i pasim rot pinis. No gat wanpela man bai karim buai o wanem samting long salim long maket. Em i tok, em i kam pinis wantaim buai bilong em na ol i pasim rot. Sapos nogat em bai i no inap karim buai i kam salim.

Planti manmeri i kam long haus bilong em long Gordons long baim buai. Ol i kam san na nait wantaim. Elizabeth wantaim man bilong em i salim wanpela buai na wanpela rop daka long 20 toea stret.

Ol i wokim planti mani tru. Sapos tupela salim long maket em bai 2-pela buai na wanpela daka long 20 toea. Nau ol i salim wanpela wanpela. Bai olsem wanem nau. Ating yu mas wasim tit bilong yupela na wet inap narapela mun. Sapos nogat, painim blek maket buai.

● Ben Kasanda



Peter Mage i salim buai long wapela teksi draiva. Draiva i sixti kam long baim buai. Em painim nogat long maket na em i raun painim buai long haus.



Poto i som Peter Mage, (Lephan) na liklik Mage na Elizabeth Aisa wantaim pikinini Emil na Philo wantaim Fikto Imomaipa. Ol i sidaun autsait long haus bilong ol na redim buai bilong salim. Wanpela buai na daka i kos 20 toea. Ol i les long salim long maket. Planti raskol tumas. Ol lain ya bilong Bereina.



No Ken Daunim Nes

Dia Edita — Inap long yu givim liklik spes long mi long bek-im pas bilong wantok ya, Steven Toba. Em i bin kamap long namba 22 de bilong mun Mas.

Yes wantok, yu bin tok, ol nes i no save givim gut marasin. Em long wanem ol nes i save tingting tumas long ol boipren bilong ol. Olsem na yu tok, ol i save givim rong marasin long ol pipel.

Sapos em i tru olsem ol i save givim rong marasin, yu ting bai yu stap? Yu ting wanem? Bai ol nes i go wok na helpim ol sikman sapos ol i tingting tasol long boipren bilong ol? Atingsapos ol i givim rong marasin long yu, aste yet, yu bai lusim graun na siksti i go long matmat.

Hamas man yu lukim ol nes i kilim dai pinis? Yu i no sem olsem, yu slip long hausik na ol nes i save lukautim yu. Yu i no tingting gut pastaim na yu rait.

Em tasol long bek-im bilong pas bilong Steven Toba bilong doti wara Goroka. Tasol sapos yu gat moa wari yet, rait

tasol i go long Wantok Nius na bai mi ken lukim. Tenkyu.

Betty Kia.
Wewak, Is Sepik Provins.

Salim ol pas i kam long:

WANTOK
BOX 1982
BOROKO

Maski Kago

Dia Edita — Larim hap spes long mi na mi laik autim wari bilong mi.

Yes ol wantok, brata na susa. Mi harim long ol man na tu long radio, ol i tok olsem; long 17-3-80 wanpela kago kalt lida o giaman propet meri i kam insait long taun Madang wantaim ol lain bilong em. Na em i mekim planti kain giaman toktok i go long ai bilong ol man meri bilong taun Madang.

Long tingting bilong mi, mi no laikim dispela kain man o meri i kam insait long giaman toktok na paulim tingting bilong ol gutpela man meri bilong bihainim dispela rabis kalt bilong em.

Olsem na mi laik ol gavman het long i

Dia Edita — Plis inap yupela givim liklik spes long mi olsem bai mi autim wari bilong mi. Mi studen bilong Nuku hai skul. Mi laik autim ol wari bilong mi i go long Sandaun Provinsal Gavman.

Bilong wanem na Interim Primia, Paul na ol memba bilong

em i no plenim gut baset bilong yia 1980? Yupela i no tingim Nuku hai skul. Nogat tru.

Long pilim bilong mi, Nuku populesen em i moa long populesen bilong yupela Vanimo stret. Long lukluk bilong mi, mipela ol pipel bilong Nuku i mas i gat 4-pela memba na yupela ol pipel bilong Vanimo i mas i gat wanpela memba tasol. Bikos Vanimo populesen em i aninit tru long 5,000. Na Nuku populesen em i

winim olgeta hap bilong Wes Sepik.

Yupela ol Sandaun Provinsal Gavman memba i mas traim brukim mani ikul o wankain long wan wan hai skul bilong Wes Sepik. Na yupela i no ken tingting long Vanimo hai skul tasol.

Nau long Nuku hai skul, planti helpim i kam long ol lain bilong Franciscan bilong lotu katolik. Ating yupela i wok long ting olsem em i skul bilong misin ol-

sem na ol yet i ken lukautim. Dispela em i no samting bilong ol misin tasol.

Traim na tingting gut yupela ol Sandaun Provinsal Gavman. Oke ol bikman bilong provinsal gavman, mi gat ol dispela wari tasol.

Sapos yu husat i laik sapatim mi o egensim mi, orait, raitim pas tasol long Wantok Nius na bai mi ken ritim.

Pius Cain Asitel
Nuku Hai Skul
Sandaun Provins.

Paulim Edmin Ka

Dia Edita — Inap yu givim liklik spes long mi? Mi lukim ol Edmin ka draiva na ol Edmin ka i save raun raun nating long wiken. Ol i save pulimaim ol meri pikinini na ol manki na karim ol raun. Ol i save raun nating long taim ol no gat wok long wiken.

Em i no gutpela. Em i no ka bilong raun raun. Na tu em i no praiwet ka bilong yu bai yu ken kisim na raun long en. Sapos yu laik raun, em i gutpela. Yu ken bai i ka bilong yu yet na raun.

Ka bilong gavman, em i mas stap long trenspot pul. Maski long yu putim ka arere o long dua bilong haus bilong yu. Em i no ka bilong yu stret. Em i ka bilong dipatmen yu wok long en. Bipo ol waitman i stap, ol i no save paulim ka long wiken taim. Nogat.

Jack A.A.
Maprik, Is Sepik.

No Ken Tingim Vanimo Tasol

Laikim Strongpela Tok

Dia — Edita — Yu inap long givim mi liklik spes bai mi raitim wari bilong mi.

Yes, mi save harim planti manmeri bilong Westen Hailans ol i save toktok planti long nupela praim minista, Mista Julius Chan.

Tasol mipela i save putim yau long harim gutpela NBC nius long tok Pisin long 8 klok long nait. Mipela no save harim sampela strongpela

toktok liklik i kam long nupela praim minista. Nogat tru.

Long bipo long taim bilong olupela praim minista mipela i save amamas tru long harim ol toktok bilong ol samting gavman i save mekim kamap.

Nau long dispela taim, ol man i save long rit na rait tasol long tok Inglis, ol i save baim Pos Kuria

na ol i save ritim na ol i save long wanem samting gavman bai mekim. Na mipela ol man i no gat skul, mipela i no save long wanem samting i kamap. Na long 8 klok tok pisin nius, mipela i no save harim wanpela samting na mipela i no amamas long dispela. Em tasol.

Jim Wafiwan
Maun Hagen. WHP.

Trabel Long Ba

Dia Edita — Inap yu putim tokaut bilong mi long pepa bilong yumi, Wantok. Tokaut bilong mi i olsem. Wanpela Sarere nait, mi bin i go long wanpela ba we ol man i save dring bia long Mosbi.

Mi bin i go long dispela ba wantaim sampela wantok na poroman bilong mi.

Insait long ba, mipela i bin lukim planti ol sampela man i spak i stap. Mipela i baim bia na dring isi i stap.

Long taim mipela i bin dring bia bilong mipela, sampela yangpela man i spak tru na ol i wok long tok kros i stap. Ol i tok kros i go i kam na wanpela yangpela man i kamautim

wanpela naip long trausis bilong em na em i laik sutim wanpela man.

Laki tru ol sampela wantok bilong tupela i kam na holimpas tupela na rausim naip na givim i go long ol man i save wok insait long ba.

Mi lukim dispela pasin na i no stret long tingting bilong mi. Long taim dispela trabel i kamap, i gat sampela sekeyuriti man husat i lukautim ples i stap. Mi bin bel hevi long wanem, ol dispela sekeyuriti man ol i bin lukim trabel na ol i no laik stopim trabel i kamap bikpela.

Bob Caughman,
Boroko Nesenal
Kapital Distrik.

MIPELA SAVE MEKIM OLKAIN

WOK BILONG BENG

☆ Pas Buk

☆ Sek Buk

☆ Man i ken putim mani long beng na winim profit mani

☆ Sapos yu kisim narakain mani bilong wanpela arapela kantri, beng i ken senisim i kamap kina na toea.


☆ Ben i ken stretim olgeta tiket bilong yu, sapos yu laik go lukluk raun long arapela kantri.

 **Bank of
New South Wales
(PNG) Ltd.**

Mipela amamas tru long helpim yu



Mista David Witmer na skul sumatin bilong em long Ukarumpa Hai skul i wokim sampela gita singsing i go long ol yut.



Ol yangpela na sampela lapun i kam sindaun long liklik grup na stadi long baibel insait long Baibel kem.

Yut Kem

Planti ol pipel i tok pasin bilong ol yangpela tude i no gutpela. Tasol dispela tok i no tru. Long Ista i gat wanpela bikpela lain yangpela ol i wari tru long ol sikman insait long Gabin Haus Sik, Karkar.

Olsem ol i go insait na ol i amamasim ol sikman long ol naispela singsing tru. Ol i skirapim gita wantaim na ol sikman i amamas.

Ol Yut grup i mekim dispela samting long wanpela Baibel Kem, ol i holim long Karkar insait long Ista wiken long mun Epril. Eria 6, Yut baibel kem i holim dispela skul.

kam long dispela kem na em i givim toktok long ol yanpela long rot sik i save kamap na tu long lukautim sindaun bilong ol yet.

Sumkar opim Palamen, Mista Kare Maor na Provinsal gavman Minista-Mista John Magu i kamap givim toktok long wok bilong Gavman.

Karkar eria 6 yut baibel kem i pinis

Sampela sumatin bilong Ukarumpa Hai skul wantaim tupela tisa bilong ol, Mista David Witmer na Mis Pam-Web i kam daun tu long dispela skul.

Long dispela Kem ol i lainim planti samting. Ol mekim Baibel stadi, musik lesen, skul bilong helpim sikman na planti arapela samting bilong helpim ol yangpela man na meri long kisim gutpela save.

Planti mama na papa tu i kamap long dispela 5-pela de ol i holim baibel skul. Ol tu i lukim sampela pasin em inap tru long bungim laip bilong ol yanpela long stap gutpela kristen brata na susa.

Wanpela dokta tu i

Ol tu i lainim ol yangpela man na meri long we bilong toktok na autim gutnius. Na tu ol i soim ol yangpela sampela baibel piksa. Ol i pilai ol kain kain spot, na lukim ol tarangu sikman long haus sik. Dispela em wanpela hap wok em ol yangpela i mas wokim.

Long dispela taim tu memba bilong



long wanpela bikpela mumu kaikai long Sande.

Ben Kasanda


Mista Chipper indai

Long Mande 28 Epril wanpela bikman bilong Rabaul i bin dai. Nem bilong dispela man em, Mista John Lester Chipper.

Mista Chipper i bin wok olsem presiden bilong Rabaul Komyuniti Gavman taim em i dai. Krisman bilong em klostu 70.

Planti manmeri bilong Papua Niugini i save long Mista Chipper. Em i bin hatwok tru insait long wok bisnis na gavman long Rabaul Taun Kaunsil.

Em i kamap long Papua Niugini long yia 1932. Em i bin wok long painim gol long hap bilong Wau na Bulolo insait long Morobe Provins.



Ol yut grup long Karkar eria 6 Baibel kem i go lukim ol sikman long haus sik na wokim sampela gutpela singsing i go long ol.

☆BIKPELA PILAI – Nau Rasia i wari tru nogut ol arapela kantri i bihainim Amerika na pasim dispela Olimpik gem long go het. Wes Jemeni i tingting nau long tambuim ol spotsman bilong ol long go long Olimpik gems. Long wanem, dispela gems i kamap long Moscow (Mosko) insait long Rasia. Na planti kantri i kros tru long Rasia taim ami i go insait long narapela kantri, Afghanistan (Efganisten). PNG tu i kros.


☆WOK KOPA – Ol kopa na gol Bougainville Kopa Kampani i digim i go daun liklik long dispela yia. Long mun Janueri inap long mun Mas, ol i kisim 38,000 (38 tausen) tan kopa, na 3,800 tausen i (handet) kilogram gol. Long Janueri inap long Mas long las yia, ol i digim 42,000 (42 tausen) tan long kopa, na 4,700 (4 tausen, 7 handet) kilogram long gol. Tasol, winmani bilong kopa na gol i go antap tru long dispela yia. Na olsem bai kampani i go het.

☆NUPELA RAUNWIN – Narapela raunwin gen i bagarapim Fiji. Raunwin "Tia" i bagarapim Fiji long 23 Epril inap long 25 Epril. Em i namba tu raunwin insait long mun Epril i bagarapim Fiji. Nambawan raunwin ol i kolim "Wally". Samting olsem 28,000 pipel i wok long kisim helpim nau bihain long dispela tupela raunwin.

☆LUKIM OL AMI – Minista bilong Difens, Mista Gerega Pepena i lukluk raun nau long olgeta Ami barek long kantri. Em stat lukluk raun long 5 Me i go inap long 17 Me. Em lukluk long ol Ami long Mosbi, Lae, Wewak na Manus. Meri bilong em na Jenerel Ted Diro na ekting sekreteri bilong Difens Mista Makeru bai raun wantaim em.

☆NESENEL JAS – Jastis dipatmen i makim pinis tupela Jas moa long helpim ol Nesenel Kot Jas. Planti man i stap wetim kot na nogat Jas long harim kot. Ol i makim Mista Bernard Narakobi na Mista Theodore Bredmeyer. Tupela bai helpim ol arapela Nesenel Kot Jas. Olsem ol man i no mas wet longtaim long kamap long kot. Ol i helpman tasol ol i no kisim wok jas tru.

Bai YU baim long K3650 tasol!




YU bai amamus olsem papa bilong

MITSUBISHI
COLT



Em ka bilong 1980



Em ol wokim bilong of draiva tasol long dispela nupela wol. Ka ya, em igat gear o automatic. I gat tripela o fivpela dua bai yu opim long beksait. 1200 G.L. o 1400 GLX — tupela wantaim bai givim yu olgeta kain wok. Luk bilong en liklik tasol em igat olgeta samting bikpela ka iken wokim.

Go nau, na traim draivim dispela Mitsubishi Ka, long lo prais tasol. Go long.

TOBA PTY. LTD. PORT MORESBY	TOBA PTY. LTD. LAE	KAMSCO KAVIENG	RABAUL GARAGE RABAUL
HAGEN HAULIERS MT HAGEN	LINUPA PTY. LTD. GOROKA	MICHAEL WING YOU MANUS	
GIRIDA UNDARI MOTORS POPONDETTA	WONG KUI BUKA	STEAMSHIPS MACHINERY MADANG	

TOBA
PTY. LTD.

MITSUBISHI



Sandaun Provinsal Gavman.

Spesel lo bilong 1979 bilong putim mak long ol ilektoret.

OL NUPELA AIDIA.

Anit long spesel lo bilong 1979 bilong putim mak long ol ilektoret bilong Sandaun Provinsal Gavman, Baundris Komisn i mas soim ol tingting bilong em i go long provinsal asembli. Na tu Baundris komisn i laikim ol pipel long luksave long ol dispela tingting na givim wanem tokbek ol i gat.

Ol pipel i ken raitim ol tingting na tokbek bilong ol na salim i go long:

The Chairman,
Sandaun Boundaries Commission,
C/- Electoral Commission,
P.O. Box 5348, BORO KO,
National Capital District.

Olgeta tingting i mas stat kam insait bipo long Julai 2, 1980. Ol i raitim notis bilong tokaut long dispela samting pinis. Bihain long dispela de Baundris Komisn bai kisim olgeta tingting bilong ol pipel na soim long primia bilong Sandaun Provins na provinsal asembli.

Yu ken kisim pepa i soim tingting bilong Baundris Komisn long Electoral Komisn, P.O. Box 5348, Boroko. O yu ken go kisim long opis bilong Sandaun Provinsal Gavman long Vanimo.

Mi raitim dispela notis long namba 1 de bilong mun Me 1980.

R.T. Kaiulo,
Siaman.

WANTOK NIUSPEPA

Nius i kamap 52 taim long yia nau.

Opis bilong Edita na Edvetaising long P.N. G.
P.O. Box 1982, Boroko
Telipon: 25.2500 Teleks: NE 22213

Edvetaising long Australia
Central Media Sales, Sydney
Telipon: 436.1000 Teleks: AA23211

PE BILONG WANPELA YIA, 52 NIUSPEPA

Ples	Kam long balus	Long sip
Mosbi	K 10.00	K 10.00
P.N.G.	K 14.00	K 14.00
Australia	A\$ 36.00	A\$ 29.00
N.Z., Fiji		
Pasifik Ailan	NZ\$47.50	NZ\$ 32.00
USA, Yurop	US\$ 70.00	US\$ 47.00
	DM 120.00	DM 81.00
	L 31.00	L 21.00



Poto hia i soim ol meri bilong Kila Kila Wimens Felosip. Stat long namba tri long lephan yu ken lukim Misis Rabura. Em i Presiden bilong Felosip. Klostu long em, em i Misis Koke Ravau. I go liklik em Misis Boseto na pikinini meri bilong em. I go liklik gen em sekreteri bilong felosip, Misis Munaho Boriga. Na klostu long em, em i tresera, Misis Doru Momo.

Gut Bai Misis Boseto



Long wik i go pinis, Epril 30, ol meri bilong Kila Kila Wimens Felosip i tok gutbai long Misis Hazel Boseto. Misis Boseto em i meri bilong bikman bilong Yunaitet Sios, Rev. Leslie Boseto.

Em bai stap long han bilong sios yet.

Ol arapela felosip grup insait long Mosbi tu bai askim em long go sindaun na kaikai amamas wantaim bipo em na man bilong em i go olgeta long kantri bilong ol.

Famili bilong Boseto i stap 8-pela yia olgeta long PNG. Ol i tingting long malolo liklik pastaim bipo ol i go stat long nupela wok sios bai givim ol. Ol bai lusim PNG long 13 Desemba bilong dispela yia.

Bipo em i kam long PNG em i stap wantaim man bilong em long kantri bilong em yet, Solomon Ailan. Em i bin wok hat tru wantaim ol meri long kantri bilong em yet.

em i helpim planti grup bilong ol meri hia long PNG.

Long tok gutbai bilong em long ol meri bilong Kila Kila, em i tok, em i lainim planti samting tru long ol meri bilong PNG. Na em i sori tru long lusim ol.

Bisop Boseto na meri bilong em na 4-pela pikinini bilong ol bai lusim PNG. Bisop Boseto i no klia gut tumas long nupela wok bilong em yet.

Paul Muia

Em na famili bilong em i kam long PNG long yia 1972. Dispela taim man bilong em i kam long Mosbi long kamap bikman bilong Yunaitet Sios long PNG na Solomon Ailan. Taim em i kam kamap tasol

Taim Bisop Boseto na meri bilong em i lusim kantri, bos bilong Rarongo Teolojikal Koles long Rabaul bai kisim ples bilong Bisop Boseto. Long pinis bilong yia 1980,

KUKIM GUTPELA KAIKAI MAKARONI MIT

Ol samting yu mas i gat;

- | | |
|-----------------------|--------------------------------------|
| 2 kap makaroni. | gris bata. |
| 1 tin mit. | 1 kiau, tomato sos. |
| mekpas anian. | 1 kap susu, 1 pela liklik spun suga. |
| 1 bikpela spun plaua. | Nogat makaroni, rais i orait tu. |
| 1 bikpela spun | |



FANTA


TRADE MARK REGO

IT'S A BOTTLE OF FUN



SINGER

PREN BILONG YU INAP OLTAIM



We bilong wokim:

1. Kukim anien, putim mit, sos.
2. Kukim makaroni.
3. Tanim plaua wantaim suga, na paitim kiau wantaim susu.
4. Putim long makaroni wantaim gris bata.
5. Kukim long stov liklik taim.





INDEPENDEN GAVMAN BILONG PAPUA NIUGINI

SIMBU PROVINS.

Mipela i laik tok save long ol manmeri olsem taim bilong putim nem bilong sanap resis long ileksen bilong Simbu Provinsal Gavman, em i pinis stret long Trinde Epril 30, 1980. Daunbilo, em yu inap lukim nem bilong ol man i sanap resis long dispela ileken. Ol Dispela nem bai stap olsem tasol long vot pepa.

1. DOM ILEKTORET

1. Siune Taul
2. Aruwai Gaulmai
3. Ki Teine
4. Diwi Wel
5. Dua Sipa
6. Wemin Ule
7. Monica Kopia
8. Mol Gala
9. Wemin Kundo
10. Ole Alua
11. More Michael
12. Yakuru Kokia.

2. KUNDIAWA ILEKTORET

1. Wili Kup
2. Siune Bomai
3. Michael Kauga Aigal
4. Poro Kagl Buno
5. Jerry Geri
6. Bare Albert Arbel
7. Kaglwaim Francis
8. Teine Joseph
9. Anna Nombri
10. George Apa Waim
11. Ulka Konma
12. Kimin Kama
13. Ombo John Wak
14. Gende Ongugo
15. Gul Tala
16. Lukas Kiak
17. Teine Boi

3. WAIYE ILEKTORET

1. Nimambo Mathew Siune
2. Waim Kimin Markus
3. Kora Nogai
4. Ongulo Ambane
5. Francis Kapmolkopel
6. Bruno Kiak Kaike
7. Kondom Andre Kombri
8. Mundua Joseph Agl
9. Siune Inakai Aur
10. Kura Kuglame
11. Kuman Tokam

4. YONGGAMUGL ILEKTOET

1. Michael Nuglai Grai
2. Giangen Kamsopa
3. Kiage Kawage
4. Michael Koima
5. Gumba Yani
6. Aina Kanoa
7. John Kultu

5. MARIGL ILEKTORET

1. Yuwanis Nibabe Kupule
2. Wera Thomas Irai
3. Kuman Dai
4. Kebi Bre Kaupa
5. Aba Kawale Edward
6. Alua Mian
7. Joseph Kolkia

6. MUGL ILEKTORET

1. Wemin Aure
2. Marme Dingi
3. Sime Kora
4. Kaupa Maima Peter
5. Ninkama Bomai

6. Nime Nul
7. Kemi Kamun
8. Gimbol Kiap Yoba
9. Poi Otto

7. NOMANE ILEKTORET

1. Waisuo Kuman
2. Duma Mareme
3. Kaupa Wai
4. Tanal Kewainde
5. Mareme Mobena
6. Boul Peter Kaire
7. Ita Knupa
8. Bomai Bona
9. Koi Noro
10. Bole Gene

1. Wange Hu
2. Philip Bona
3. Gongo Kama
4. Waiye Nuabo
5. Sipa Yol
6. Barebe Gemblen
7. Alua Yuri
8. Aure To
9. Tabai Bomai
10. Steven Kina Kia

9. WIKAUMA ILEKTORET

1. Kale Joseph Mone
2. Kua Galmai
3. Yulua Yobale
4. Weiya Mangi Kiren
5. Nilkare Kaupa
6. Kaupa Kuima
7. Gunua Maima
8. James Gumankuri Wai
9. Weya Gunua
10. Era Dan

10. MITNANDE ILEKTORET

1. John Bundo
2. Anton Kamane
3. Pius Komba
4. Kimbe Dogor
5. Tagai Mekemba
7. Simon Sindu Kumai
8. Miuge Bina
9. Durua Koga

11. NIGLKANDE ILEKTORET

1. Paulus Bogia
2. Baga Galma
3. Karigl Bongere
4. Joseph Ire
5. Gabriel Kimbrua
6. Peter Gogla
7. Nauku Kombugl
8. Bonifas Kokia
9. Gumagol Kama
10. John Tamgo

12. GUNANGI ILEKTORET

1. Wai Bire
2. Mube Bal
3. John Aure Kaupa
4. Dukune Ulkora
5. Tony Kuipat
6. Kaupa David Gimbol

7. Kaman Korol
8. Bamire Wemin
9. Kom Yogol

13. KOGE ILEKTORET

1. Miul Papa
2. Kora Kilau
3. Anton Auwi Bal
4. Nape Kupe
5. Kalale Well
6. Aba Willie
7. Billy Kuipa Kuria
8. Peter Gola
9. Kaupa Bagele
10. Kua Bal
11. Kopta Yol
12. Brusty Brawa
13. Kara Mintawa
14. Yalbili Morua
15. Kobale Kale

14. TABARI ILEKTORET

1. Are Tul
2. Maule Gola
3. Gola Gabriel Ulgan
4. Golabe Bulage
5. Mogia Dom
6. Nul Bernard Sine
7. Gunua Kamane
8. Kelaga Eremugo
9. John Koben Miamul
10. Arabil Francis Yure
11. Tongia Kaupa
12. Joe Kol
13. Ate Kimba

15. CHUAVE ILEKTORET

1. Baundo Job Kiage
2. Kamane Eri
3. Unagi Bigo
4. Tabie Maima
5. Ogan Kom
6. Joseph Dama
7. Launa Nimambo Miuge
8. Albert Aromo Kai
9. Kuri Mori
10. Kopon Kumanali
11. Hono Martin
12. Livae Peter
13. Kayapo Dege
14. Kiwai Kano Kiage
15. Harold Wauri Suba
16. Rockie Nemba
17. Wemin John Komboi
18. Martin Togara
19. Michael Girimai Yame
20. Kem Nub
21. Wai Kuma

16. ELIMARI ILEKTORET

1. Aregai San
2. Goro Teine
3. Kole Koma
4. Teine Acyonga
5. Goro Kon
6. Komane Teimai
7. Stephen Wani Kuman
8. Michael Kuri
9. Kaupa Koi
10. Dimongo Wai
11. Touri Kiripo Mala

12. Bandi Korawai
13. Peter Kumo
14. Garowo Kirino
15. Amoi Towo

17. SIANE ILEKTORET

1. Koiyari Ulopo
2. Loipa Yame
3. Gari Wayaki
4. Moses Yauwe
5. Eustace Kiyomba Pamundi
6. Eddie Guri Goya
7. Kowina Yangure
8. Jackson Sofandena Kiagi
9. Duon Kawo
10. Wemin Kewo

18. KEROWAGI ILEKTORET

1. Michael Kiaknem Danga
2. Fabian Kambu
3. Peter Tugo Ikan
4. Yomba Kindin
5. Mun Mek
6. Degemba Wena
7. Gene Kair
8. Mathew (Kiap) Towa
9. Bolkun Teine
10. Nande Maima
11. Bire Kora
12. Ongulo Apa
13. Guande Kembi
14. Gande Kua
15. Mii Yongomugl
16. Merage Kena
17. Atne Kundi
18. Geregl Gande
19. Yere Kua
20. Wena Willie
21. Siwi Agai
22. Tow Kena

19. GENA MAUGA ILEKTORET

1. Asuwe Kawage
2. Kurumbi Agua
3. Anton Aba Konduno
4. Mool Waguo
5. Siwi Kurondo
6. Muglya Agua Degemba
7. Denge Goma

20. KUP ILEKTORET.

1. Bolkun Sigl
2. Mogi Umbo
3. Bom Mogi Kama
4. Kai Kua Kopia
5. Kewi Dinua
6. Di John Dama
7. Sumuno Suagl
8. Kombukun John Talpe.

R.T. KAIULO.

Namba tu komisina bilong lukautim ileksen.



**MORTEIN
TASOLI KEN
KILIM OL
BINATANG
KWIKTAIM**

Amerika Popaia

Etpela Amerika soldia i dai pinis long Fraide, 25 Epril. Tripela moa soldia i bin kisim bagarap nogut tru long taim paia i bin kukim ol. Ol dispela soldia i bin traim long helpim ol Amerika kalabusman i stap long kantri ol i save kolim Iran.

Sampela sumatin bilong Iran i bin holiimpas 53 wokman bilong gavman bilong Amerika. Ol dispela sumatin i bin kalabusim ol Amerika man inap siks mun nau. Presiden na famili na ol memba bilong palamen bilong Amerika i kros nogut wantaim gavman bilong Iran.

Iran i gat nupela gavman. Wangepa lain lotu ol i save kolim Islam i bin wok long ranim gavman bilong ol. Ol pipel husat i bihainim dispela lotu i bin pait wantaim gavman bilong bipo na kisim. pawa long Februeri 1979. Lida bilong ol dispela lain Islam em i Ayatollah Khomeini.

Long taim ol Islam i kisim pawa ol i bin kalabusim sampela pipel bilong Iran na tu ol bin kilim planti manmeri.

Long taim ol Islam i kisim pawa ol i bin kalabusim ol Amerika man. Olsem bikipela gavman bilong Amerika i kros nogut tru.

Presiden bilong Amerika Mista Jimmy Carter i bin wok hat tru wantaim ol wokman bilong em long traim na helpim ol kalabusman bilong Amerika i stap long Iran.

Olsem na long Fraide 2 Me 90 soldia bilong Amerika i bin i go long Iran long traim helpim ol Amerika man i stap long Iran.

Ol soldia i bin kisim 6-pela bikipela balus na 8-pela helikopta. I no long taim na narapela gen i kisim bagarap na em i kam bek long bikipela sip bilong Amerika i stap klostu long Iran.

Long dispela taim i


gat 6-pela balus na 6-6-pela helikopta. Ol dispela balus na helikopta i go na ol i bin stop long wangepa hap bilong Iran ol i save kolim Poshit-i-Badam. Na ol i wok long kisim petrol. Dispela liklik hap em i samting olsem 250 mail longwe long bik taun bilong Iran ol i save kolim Teheran.

Long taim ol balus na helikopta i wok long kisim bensin, wangepa helikopta bilong ol i laik tanim gut na kisim bensin. Tasol, draivaman bilong dispela helikopta i no lukim gut na wangepa propela bilong helikopta i katim balus long namel stret.




Orait, long taim balus na helikopta i bam, bikipela paia i kamap na kilim 8-pela soldia na kukim nogut tripela soldia tu. Olsem na ol soldia i no bin i go long Teheran na helpim kalabusman. Ol i pret na tanim i kam bek long Amerika.

Olsem ol kalabusman i stap kalabus yet.



Helikopta paia pinis



Bikman Lukim PNG



← Namba tu primia bilong Saina Mista Li Xiannian i amamas tru long taim ol pipel bilong Tubuseria viles i giyim em wanpela liklik lakatoi. Dispela lakatoi em i makim ona bilong ol pipel bilong Tubuseria long lukluk raun bilong Mista Li.

Mista Li na meri bilong em Medem Lin Jiamei i mekim lukluk raun long Tubuseria viles wantaim ol lida bilong viles. ↘



Ol bikpela kantri yumi kolim supapawas olsem Amerika, Saina, Japan na Rasia i wok strong yet long traim na winim bel na tingting bilong ol arapela liklik kantri, olsem Papua Niugini.

Tasol dispela kain resis namel long ol bikpela kantri i kamapim tu bikpela bagarap na birua long sampela hap bilong wol.

Yumi lukim pinis pait na birua i bin kamap long ol kantri olsem Vietnam, Midel Is na planti hap bilong Afrika.

Nau ol dispela supapawa kantri ol i gat bikpela laik tru long winim bel na tingting bilong ol kantri insait long Saut Pasifik. Ol i lukim olsem dispela hap i wok long kamap strong. Long wanem planti long ol liklik ailan nating i wok nau long kisim independens.

Amerika, Australia, Japan, Indonesia na ol arapela kantri i save sapotim Amerika i wari tru. Ol i lukim Saina na Rasia i resis long traim na winim bel na tingting bilong pipel insait long wan solwara bilong yumi.

Olpela Gavman bilong Praim Minista Michael Somare bipo i bin tambu long Saina na Rasia long opim opis o embasi bilong ol long Mosbi.

Tasol nupela Gavman bilong Sir Julius Chan i tok orait long tupela wik i go pinis. Gavman i tok orait long Saina long opim wanpela opis o embasi bilong em long Mosbi. Sir Julius i mekim dispela toktok taim em i tok amamas long lukluk raun bilong wanpela bikman bilong Saina. Em i namba tu primia, Mista Li Xiannian.

Sir Julius i tok, dispela bai strongim wanem wok bisnis na politik em tupela kantri i laik mekim namel long tupela yet. Mista Li i

Man, Mista Li i no pilai pilai. Em i sindaun gut na harim toktok bilong presiden bilong Hiri Lokai Gavman Kaunsil, Mista Raka Vagi. ↘

← Ol meri bilong Tubuseria tu i mekim sampela presen i go long Mista Li. Long poto hia, tupela meri bilong ples i wok long hangamapim bis long nek bilong Mista Li.



Okiman, dispela liklik samatin i mekim save tru. Em na ol wanskel bilong em i bin wokim wanpela danis bilong tumbuna long taim Mista Li i mekim lukluk raun bilong em long Tubuseria viles las wik.



← Mista Li i amamas na tromoi han long ol pipel bilong Tubuseria.

Ol sampela lapun man bilong Tubuseria viles i bin amamas tru long lukluk raun bilong Mista Li long viles bilong ol. Ol i wok long sekanim. ↘

Ol meri bilong Tubuseria i wokim wanpela mumu na taim Mista Li i bin kaikai dispela mumu em i laikim moa. ↘



Mista Li na lain bilong em i no bin lukim kain samting olsem bipo. Olsem em i bin i go na lukluk gut long dispela samting. ↘





Memba Wokim Wantok Sistem

mi save harim redio na mi save les liklik long harim nem bilong John Jaminan insait long redio na sampela taim yau bilong mi i save pas. Na sampela taim mi save longlong tru na mi save laik ranawe i go long bus.

i save ting em i laik winim planti ol memba tru.

Mi wanpela boi bilong Saussia eria na ples bilong mi em i stap long boda bilong Wewak But kaunsil. Mi mas tok olsem, dispela memba em i no sanap long laik bilong em. Nogat. Em i sanap makim laik bilong ol pipel. Na em i no save kam raun lik-

lik long ol ples i stap arere tru bilong harim ol wari na lukim ol pipel tru.

Olgeta apinun mi save harim nius long redio. Na mi save harim nem bilong John Jaminan i kam long long nius olgeta taim. Mi ting dispela em i no stret. Em i save mekim wok long hap bilong em tasol long Yangoru. Em i save wantok sistem long

hap bilong em tasol. Na em i no save tingting long helpim Saussia kaunsil eria.

So em tasol long wari bilong mi. Sapos yu husat i belhat o i gat belhevi long mi orait, rait tasol i go long Wantok na bai mi ken lukim.

Martin Tukam, Mambe, Is Sepik Provins.



Salim ol pas i kam long:

WANTOK
BOX 1982
BOROKO

Senisim Nem Tasol

Dia Edita — Plis mi laik bai yupela prinim wari bilong mi. Yes, na wari bilong mi i go olsem.

Mi no save amamas tumas long dispela nem ol i save kolim Karkar Ailan. Dispela ailan em i stap long not kos bilong Madang Provins. Dispela nem ol wait pipel i kamap long dispela ailan na givim em dispela nem, Karkar.

Long bipo tru, taim ol tumbuna i stap, em nem tru bilong dispela ailan em Dampier Ailan. Ol-

sem na mi laik ol pipel na kaunsil i mas putim nem Dampier na yusim tu dispela nem. Nem Dampier em nem tru bilong dispela ailan.

Em tasol wari bilong mi. Yu husat man long Madang o Karkar nabaut yu laik saptim pas bilong mi o yu laik kros long mi, rait tasol i go long Wantok Niuspepa. Tenkyu.

Arkuss Yukura, Dampier Ailan, Madang Provins.

Sutim Giaman Tok Long

Madang

Dia Edita — Inap yu givim mi liklik spes long pepa bilong yu na mi bekim pas bilong wantok hia, Sonnu Bamou bilong Wau insait long Morobe provins. Pas bilong wantok hia i kamap long sarere de namba 5 bilong dispela mun Epril 1980. Pas bilong Sonnu Bamou i toktok long ol pasin nogut i save kamap long taim bi-

long danis o sosol nait insait long ol liklik ples long Madang provins.

Yes wantok Sonnu Bamou, i luk olsem dispela pas bilong yu i bagarapim gutpela nem bilong ol pipel long Madang. Yu wokim giaman stori tru.

Long lukluk na wokabaut bilong mi long Madang insait long 20 yia olgeta mi

no bin bungim kain pasin nogut em yu bin putim long pas bilong yu. Mi tokim yu wantok, nogat wanpela man o meri insait long PNG bai saptim toktok giaman bilong yu. Lukim dispela bekim bilong mi gut na no ken raun moa na trai lak long ol yangpela meri long ples na taun. Olsem tasol na yu no inap kisim pes solap gen.

Mirap Mulap Maborasa sapota, Lae, Morobe.

Kot Opisa i No Wok Gut

Dia Edita — Inap yu givim mi spes bai mi autim wari bilong mi.

Long Buin i gat ol komyuniti gavaman. Na ol i gat ol peace opisa bilong ol. Tasol ol sampela i no save wok gut. Mi tok olsem long wanem mi save lukim ol long ai bilong mi yet.

Em hia samting mi tok long ol i no save

mekim gut. Taim ol i samonim man, ol peace opisa i save givim samon pepa long wanpela man nating long givim long man ol i samonim.

Nau mi laik tok long yupela ol peace opisa. Em i wok bilong yupela long givim samon pepa long husat man yupela i salim samon pepa long em.

Tasol sapos yupela i givim long arapela man long givim em, na sapos em i tromoi samon pepa, em i rong bilong husat?

Mi ting, em i rong bilong yu peace opisa husat i givim dispela samon pepa i go long man nating. Man nating ya em i no save kisim pe. Yu peace opisa em i wok bi-

long givim samon pepa stret long husat man yupela samonim. Em i wok yupela i save kisim mani long en long olgeta potnait.

Tenkyu.

Joe K. Halylia. Buin, NSP.


TRY YOUR LUCK

HURRY

YU LAIK WINIM WANPELA REDIO KASET! ORAIT, BAIM WANPELA TIN NESCAFÉ O IDEAL MILK.

RAITIM NEM NA ADRES BILONG YU LONG HAP PEPA I PAS LONG TIN NESCAFÉ O IDEAL MILK. PUTIM DISPELA PEPA INSAIT LONG WANPELA SKINPAS NA SALIM I KAM LONG:-

NESTLE KAMPANI, P.O. BOX 1359, BOROKO PORT MORESBY.



GOOD LUCK long

NESCAFÉ AND Ideal MILK

TOK SAVE I GO LONG OL MEMBA BILONG



BOUGAINVILLE COPPER LIMITED



Long Mun Februeri long dispela yia, Bougainville Copper Limited i bin givim tok save i go long ol memba olsem bai em i givim ol sampela sea gen antap long ol sea ol i holim nau. Dispela kain sea ol i kolim long bonus sea, (Bonus Share) na kampani bai givim nating tasol i go long manmeri husat i memba pinis.

Long ol kain senis, Kampani i bin antapim prais o kos bilong ol samting bilong em olsem ol haus na ol kain kain masin bilong wok. Olsem na kampani i antapim tu sea bilong memba bilong makim trupela prais o interest bilong ol sea.

Kampani i bin askim ol memba long vot o tok oraitim dispela tingting long bikpela miting em ol memba i bin holim long namba 16 de bilong mun Epril long Panguna yet. Ol memba i bin tok orait tasol long dispela samting.

Long dispela mun yet kampani bai givim ol memba tupela tupela 50 toea sea antap long wan wan sea em i holim nau. Olsem sapos memba i holim nau 10 sea bilong 50 toea, Kampani bai putim gen narapela 20 bonus sea antap bai kamap 30 sea bilong 50 toea olgeta.

Kampani i bin lukim olsem, taim em i givim pinis ol bonus sea i go long memba, namba bilong em i givimaut bai kamap planti tumas. Olsem na ol memba ol i bin tok orait tu long bikpela miting bilong kampani bai kampani i ken senisim prais bilong sea bai kamap olsem K1 sea na i no moa 50 toea sea olsem bipo. Olsem memba i bin holim 30 sea bilong 50 toea long taim ol i givimaut bonus sea, em bai holim nau 15 sea bilong K1 long taim ol i senisim prais i go long K1.

SEA SETIFIKET

Bambai Kampani i salim gen narapela sea setifiket i go long wan wan memba. Dispela namba tu setifiket bai makim ol sea em i no stap long olpela setifiket memba i holim nau. Na tu bai makim olsem memba i holim nau ol K1 sea na i no 50 toea sea olsem bipo. Olsem bai memba i holim tupela setifiket olgeta.

Daunbilo em sampela toktok klia gen long ol dispela senis:

Sapos memba i bin holim
ol dispela 50 toea sea long
namba 23 de long mun Epril.

Bihain long mun Me
bai memba i holim
ol K1 sea olsem
ol dispela sea.

Bambai memba i
kisim nupela sea
setifiket bilong makim

10
24
72

15
36
108

5
12
36

Bougainville Copper Limited i bilip olsem ol memba bai ol amamas tasol long kisim ol bonus sea na ol kain senis i bin toktok pinis long en.

Sapos yu laik save moa long dispela.

Ringim – Peter C. Sisiou,
Public Relations,
Bougainville Copper Limited.
Panguna - 958022 – Ext. 591.

DEWEL NOKONDI

Bipo, bipo tru, wanpela dewel man i stap long maunten Kefeya. Nem bilong em, Nokondi. Dispela dewel Nokondi i stap wantaim dewel meri Nokondi na pikinini Nokondi. Ol i stap long hul bilong ston aninit long maunten Kefeya.

Dispela dewel man Nokondi, em i gat bodi tasol. Em i gat hap het, hap nus, hap maus, wanpela yau, wanpela ai wanpela lek na wanpela han. Olsem na long Korepa tokples, Nokondi, em i

min olsem, hap bodi.

Insait long ston haus, i gat tupela rum. Wanpela rum, em dewel Nokondi, em i slip long en. Na long arapela rum, em meri Nokondi na pikinini Nokondi, tupela i slip long en. Wanpela ston i brukim namel long wokim tupela rum. Na long namel bilong dispela ston, i gat wanpela hul i luk olsem wanpela windo.

Meri Nokondi na pikinini Nokondi, tupela i kukim kaikai long rum

bilong tupela na givim i go long man Nokondi. Ol i save givim i go long windo na man Nokondi i kaikai. Taim em i pinisim kaikai, em i save givim plet diwai i kam bek long tupela.

Man Nokondi, em i no save kam long rum bilong tupela. Na tupela tu i no save go long rum bilong em. Meri Nokondi na pikinini Nokondi, tupela i no save kam ausait. Nogat. Tupela i save stap insait tasol. Long rum bilong tupela, i no gat dua

bilong go ausait o go long rum bilong man Nokondi. Man Nokondi tasol i gat dua long rum bilong em. Olsem na em tasol i save go ausait.

Taim bilong nait, man Nokondi i save go aut na painim kaikai long bus. Sampela taim, man Nokondi, em i kam daun long haus lain na katim banana bilong ol man long ples. Man ya i katim pinis, em bai karim na wisil, wisil i go bek long ston haus bilong em.

Taim em i kam klostu long haus, em bai hatim tru wisil. Meri na pikinini i stap harim, em tupela i save olsem kaikai i kam nau. Em bai karim banana insait na givim tupela. Tupela bai kisim na hariap long kukim bikipela kaikai. Tupela bai kuk i stap, na man Nokondi ya bai slip krungut tru i stap long bet bilong em. Long wanem, em i gat hap bodi tasol na dispela ol bikipela rop banana i save kilim em tru. Sapos em i gat gutpela bodi, yes, em inap long karim hevi samting. Tupela bai kuk-


im kaikai na singautim em long kaikai. Em bai pinisim kaikai na bel bilong em i pulap gut tru pinis, orait, em bai go bek long bet na mekim save long slip gen.

Ol dispela lain, dewel Nokondi na meri Nokondi na pikinini Nokondi, ol i stap yet long dispela



hul ston i stap aninit long maunten Kefeya.

Robert Wane, Goroka, Isten Hailans Provins.



CREDIT CORPORATION

Credit Corporation (PNG) Limited i amamas long tokaut olsem, ol i wokim pinis tupela buk ol i kolim "FIRST RANKING DEBENTURE STOCK NO.2" na "PROSPECTUS". Prospectus i toktok long dispela 805,305 sea mipela bai salim.

1

FIRST RANKING DEBENTURE STOCK PROSPECTUS NO. 2.

2

SHARE PROSPECTUS



Ol papa bilong Debenture Holders em NML Nominees (Canberra) Ltd

Investmen in Debentura stok em i op long olzeta man na kampani. Maski long wanem kantri yu kam long en, baim tasol.

Yu ken baim K500 o moa. Na em hia maun olsem yu inap kisim

Long 3 mun	6.5% long wan wan yia.
Long 6 mun	7.5% long wan wan yia.
Long 9 mun	9.0% long wan wan yia.
Long 12 mun	10.0% long wan wan yia.
Long 18 Mun	10.5% long wan wan yia.
Long 2 yia	11.0% long wan wan yia.
Long 3 yia	12.0% long wan wan yia.

Ol PNG sitisen tasol na ol kampani bilong ol PNG sitisen tasol inap aplai.

Yu ken baim 100 sea tasol o moa. Yu ken baim wanpela sea long K1. Tasol yu mas peim 5 toea antap gen long pe bilong ol kuskus.

To: Credit Corporation (PNG) Limited
P.O. Box 1002,
Boroko.
Salim wanpela ripot i kam long:

F.R.
S.P.

Name:
Address:





BAISEL STORI

NA TAIM NUPELA KING SOLOMON I KAM BEK LONG TAUN OL MANMERI I GUDE LONG EM NA SINGAUT BILONG AMAMAS LONG EM.

King I Dai

1 King 1:49 - 2:46

NA SINGAUT BILONG AMAMAS I KAMAP BIKPELA NA OL MAN I STAP LONG KAIKAI BILONG ADONAISA I HARIM.

WANEM SAMTING I KAMAP LONG JERUSALEM?



NA LONG DISPELA TAIM YET DISPELA MAN I KAM INSAIT NA TOKIM OL.

OL I SAVE BAI DEVIT I KOLIM OL, MAN BILONG DAUNIM KING. OLSEM NA OL MAN I RANAWÉ LUSIM ADONAISA.

YU KISIM WANEM GUTPELA NIUS.

BIKPELA SINGAUT YU HARIM, EM OLGETA MANMERI BILONG JERUSALEM. DEVIT I BIN MAKIM SOLOMON I KAMAP KING.



MI MAS RANAWÉ KWIK. SAPOS MI LAIK I STAP GUT.



TAIM ADONAISA I SAVE PAPA BILONG EN KING DEVIT I BIN MEKIM SOLOMON I KAMAP KING BILONG OL ISREL. ADONAISA I SAVE TOK BILONG EM LONG KAMAP KING I POPAIA. NA EM I PRET NOGUT TRU NA I TING NOGUT SOLOMON BAI I KILIM EM I DAI. OLSEM NA EM I RAN I GO LONG HAUS LOTU NA HOLIM KOM BILONG ALTA.

BAI MI NO INAP LUSIM ALTA. SAPOS SOLOMON I PROMIS LONG EM I NO KEN KILIM MI I DAI, ORAIT BAI MI LUSIM.



SOLOMON I ORAIT LONG LARIM ADONAISA I STAP LAIP SAPOS EM I MEKIM GUTPELA PASIN LONG AI BILONG KING. ORAIT ADONAISA I PROMIS OLSEM, NA OL I BRINGIM EM I GO LONG SOLOMON.



YU BIKPELA NA KING BILONG MI.

Komik hia i kamap pinis long buk. Yu inap baim long olgeta Kristen Buk Stua.

Used by permission of the David C. Cook Foundation. Copyright 1973. David C. Cook Publishing Co. All rights reserved.

BIHAIN ADONAISA NA JOAP I MEKIM KAIN KAIN PASIN NA SOLOMON I KILIM TUPELA I DAI.

Mi Laik Bekim Toktok

Mi wanpela pasto bilong Kambraman lokal sios long Kamengara paris. Mi laik toktok wantaim yu. Yes Pater, em hia tok bilong mi.

Dispela piksa bilong huk na baslet i hangamap insait long haus lotu bilong Kambraman, mi gat liklik tok long en. Taim mi ritim stori bilong yu na mi painim mining bilong em i no stret em olsem na mi laik soim gen mining bilong em.


Hia nau, em mining bilong en. Yes, long taim bipo i kam inap nau, dispela huk i save hangamap i stap long namel bilong haus. Na ol lain i stap insait long dispela haus ol i save hangamapim basket kaikai bilong ol.

Olsem taim bilong ol long kaikai, ol i save kisim kaikai long dispela basket i hangamap long huk. Na papa o mama bai tilim kaikai na olgeta bai kaikai.

Maski husat bilong wanem lain o ples i kam long haus, em kaikai i stap insait long dispela basket tasol, ol bai kisim na tilim long ol tu long kaikai.

Em dispela basket kaikai i save bungim ol famili na ol lain na ol ples bilong stap gutbel wantaim sapos sampela taim tu i gat hevi i stap.

Em olsem na mipela i putim long haus lotu. Em i bilong putim bodi bilong Jisas. Na bai mipela olgeta pipel bilong God i ken bung wantaim na kisim santu kaikai bilong pikinini bilong em.



Dispela em i sain yumi i wan famili tru wantaim Jisas na wantaim ol arapela brata susa. Mining bilong basket na huk i go olsem.

Mi salim tu piksa bilong em i kam na yu ken lukim na traim stretim mining gen.

Pastor Martin Mera, Kambraman,

Sande Lotu

Frank Mihalic

SANDE NAMBA 10 BILONG SIOS YIA

8 Jun 1980

- Luk 9: 11 - 17.

Gutnius tude i stori long taim Jisas i wokim wanpela mirakel, na em i kisim 5-pela bret na tupela pis na i tilimaut long 5,000 pipel. Na ol i kisim inap kaikai tru.

Long olgeta kantri na long olgeta famili i gat pasin bilong sindaun kaikai wantaim. Long Papua Niugini long sampela ples, olgeta man i kisim kaikai long wanpela plet tasol. Olsem na yumi save kolim ol wansopen. Insait long famili o haus, taim bilong kaikai em i taim, olgeta man meri pikinini i sindaun wantaim. Sampela ol i gat kain kain wok longwe tasol long taim bilong kaikai, ol i save bung nabaut long tebol, o nabaut long sospen, o nabaut long paia.

Taim bilong kaikai em i taim bilong amamas. . . Em i taim bilong mekim kol bel. Olsem na sapos tupela lain i gat kros na i stretim pinis, orait, nau tupela lain i sindaun kaikai wantaim. . . Dispela i min tupela lain i pren gen. Nabaut long tebol long taim bilong kaikai, i no gat birua. Long ami ol i gat pasin bilong hangamapim let bilong bainet ausait long banis bilong rum kaikai. Em i tambu. Long pasin, long wanem, taim bilong pait. Em i taim bilong lusim pait na lusim ting bilong pait.

Sampela taim sapos tupela lain hetman i gat kros na laik stretim tok, pastim ol i sindaun kaikai wantaim. Bihainim kaikai i pulapim bel bilong ol, orait, ol i save tingting narakain na ol i bel isi. Na olgeta taim i gat holide o pati samting, i mas gat kaikai. Kaikai em i bikpela samting tu bilong taim bilong marit na taim bilong pinisim sori long man o meri i dai, long taim man i kamap nupela, o man i laik go longwe. . . .

Olgeta dispela aida wantaim i pas gut tru wantaim pasin bilong holi kaikai o yukaris o komunion. Jisas i laik pren wantaim yumi olgeta na em i laik sindaun i stap namel long yumi. Taim bilong kaikai em i gutpela taim bilong tingim pren. Olsem na long Gut Fonde nait Jisas i sindaun kaikai wantaim ol disaipel. Em i givim bodi na blut bilong em long ol, na em i tokim ol, ol i mas skruim dispela pasin i go. . . . bilong tingim em gen. Olsem na tude yumi gat komunion na lotu misa.

Sapos yumi kaikai wanpela samting, em i min dispela samting i kisim laip bilong em long helpim laip bilong yumi. Abus i mas dai, pis i mas dai, taro i mas dai, saksak i mas dai, kaukau i mas dai. . . bai yumi gat laip. Kaikai i min: yumi stap laip bikos narapela samting i lusim laip. I gat wan wan sayor tasol yumi save kaikai, taim em i gat laip yet. Ol arapela samting i mas dai pastaim. . . .

Orait, yumi kaikai na yumi mekim wanem nau? Olaboi, nau yumi givim bek laip long dispela kaikai i dai pinis. Em i go insait long yumi, na i kamap hap bilong bodi bilong yumi na ol dispela hap i gat laip. Nau dispela kaikai i kisim nupela laip. . . . i winim laip bilong em bipo. . . . Nau em i gat laip olsem man o meri o pikinini. Bipo em i abus o pis o sayor tasol. . . .

Oltaim yu go long lotu na i gat komunion, Jisas i wetim yu i kam wantaim em long tebol. Sapos yu no mekim olsem, bai em i sem, na i pilim yu gat kros long em, o yu no laikim kaikai bilong em. Yu no mekim pasin bilong Jisas i no ken helpim yumi, sapos yumi stap longwe long en. . . .



Welkam, Tarsan. Yu wanpela gutpela pilaia bilong olgeta spot. Plis, yu kam insait long pilai bilong mipela.

Tarzan

by EDGAR RICE BURROUGHS



Jeneral Mwalafeo, mipela inap kisim bagarap long ol pilai resis bilong yu.

Tarsan, ol saming bilong givim bagarap i no mekim yu pret, laka?



Yu kam nau na joinim mipela long neks pilai. Long ples pilai long wara.

Bai mipela lukim, sapos ol Wol sempion bilong flai long swing ol inap winim Tarsan, o nogat.




Tarsan, yu mas lukaut long dispela man. Em inap bagarapim yu. Em i laikim ol pilaia bilong em i mas win.

Korak, yumi mas traim stopim dispela pasin bilong em. Tasol yumi mas giamanim em na pilai pastaim.



Nem bilong ol pilaia, em Tarsan, bos bukbus na Tito, Mando, Chela na Lalo. Ol sempion bilong flai long swing, na las long ol, em Doshuba Mulao bilong Ibisia!!!



Em hia bikpela pilai bilong soim sapos yupela inap flai. O nogat. Ol rop saming i stap. Tasol no gat umben bilong stapim man i pundaun.



Long daunbilo, em ol pukpuk i hangre tru na i wet i stap.

BIABIA



BIABIA GIVIM TOK LONG BAS KAMPANI I BRUK.

MI NO WARI OL DMV INAP MEKIM WOK BILONG BAS



KORI TRADING BAS STOP

TOK SAVE

Tok save i go long Wandoa Baluba. Bipo yet mi lusim yu long Erave na mi kam long Goroka. Na nau mi no lukim yu liklik, olsem na mi raitim tok save long Wantok na yu lukim. Adres bilong mi i stap daunbilo na yu ken rait i kam long Bougainville. Nau mi no save yu stap long Sauten Hailens o Westen Hailens. Mi harim boi ya, Ita Bakole em tokim mi olsem yu tisa long Mendi na Kagua. Tasol nau yu stap we, yu mas rait i kam kwik long mi na mi lukim pas bilong yu. Mi Masawe Nemeko, Barclay Bros, P.O. Box 377, Arawa. NSP.

Tok save i go long Lupain Tita Lap, yu mas harim. Mi wok long painim yu nau. Bipo yu bin salim wanpela pas long mi em mi kisim pinis. Mi bekim dispela pas tasol yu no bekim ken. Mi lukim yu long 1971 tasol mi no save yu stap long wanem hap nau. Mi harim liklik tok win olsem yu marit pinis long Alotau, Milne Be Provincs.

Mi no lukim yu 10 yia olgeta. Sapos yu stap long wanem hap yu mas rait o salim tok save i go long Wantok niuspepa. Mi pikinini bilong yu, Nana Lipuk, C.M. Kasap, P.O. Laigam, Enga Provincs.

Salim tok save i kam long:

TOK SAVE,
BOX 1982,
BOROKO.

Stretim Tok

1	2			3	4	5
		6	7			
8				9		
10			11		12	
13	14		15			
	16		17	18		19
20						

Namba 78:

Stret: 1. Retpela anis. 7. Saming i makim de na i stap long skai. 8. Em ol pisin mama i karim. 9. PIR? 10. Baksait bilong bodi. 11. Liklik snek i karim haus i go wantaim en. 13. Buka (Kokomo). 20. Ol liklik binatang i save kaikai ol doti i stap long haus kuk.

Daun: 1. Paul. 2. Liklik braunpela o blakpela binatang. 3. Em wanpela animel i stap long ol diwai. 4. Sotwe long Univesiti. 5. Draipela snek i stap long diwai. 6. Olsem 'poroman' wanpela kantri. 7. Kain pitpit i gat switpela bait long en. 12. Em i gat wok long lukautim ol liklik pikinini. 14. Em mita, bilong mitaim hap graun. 17. Sotwe long motoka. 18. Sotwe long 'olgeta'. 19. Tok Inglis long 'orait' 'yesa'.

Namba 77: Ensa Bilong las wik.

Stret: 1. Si. 2. Kebin. 7. Tieta. 9. Su. 10. Ai. 11. Pasis. 13. Aut. 15. ATSP. 18. Ebo. 19. Tu. 20. Ain. 21. Bris. 22. Nus. 23. Aiai.

Daun: Stiaman. 2. Kepten. 3. Et. 4. Ba. 5. Isi. 6. Nus. 8. Ai. 12. Stori. 14. Uni. 15. Abba. 16. Stia. 17. Pusi.

Papuan Taitel

Planti boksa i kamap pait long traime winim taitel long boksen long Mosbi long 2, 3 na 4 Me.

Dispela pilai ol i holim ol i kolim long Papuan Taitels. Ol i save holim long olgeta yia. Tasol planti pipel i no kamap was long dispela tripela de bilong pait. Dispela tripela de bilong pait i bilong painim husat man tru bai go insait long fainols na traime kamap sempion.

Planti yangpela boksa i pait gut tru. Na ol i holim pinis ai bilong sampela kosa husat i laik kisim ol na trenim ol gut long pait long mani.

Wanpela gutpela boksa, em pait gut tru long dispela tripela de, em Ray - Arua. Em i pait long mak ol i kolim Lait Wet. Ray em i tren long Difens Fos klap. Ray i stap pinis long fainols na bai pait wantaim Steve - Beli bilong Plis klap long lukim husat bai lait wet sempion bilong Papua.

Ol wina bilong dispela pait bai go insait long PNG sempionsip pait ol bai holim long Kieta long dispela yia yet.



Garami bilong Difens Fos klap i pundaun i kam autsait long rop tasol Ray Arua i stap long holim em. D. Hela bilong Difens klap i pusim em kam autsait. Tupela i pait long Sarere nait. Garami i nokim aut Hela long namba 3 raun.



Jersey Sapak bilong Plis klap (raithan) i tromoi han i go antap long blokim han bilong S. Anapa bilong Difens. Sori, Jersey i lus. Tupela pait long Sarere nait insait long Papuan taitel pait.



F. Caida bilong Plis klap i giwim wan long Ray Arua. Ray em i klewa boksa tru. Em i winim Caida long poinis. Tupela i pait long las wik Sarere.

SARERE 17

TAIM	GRET	TIM	GRAUN	TAIM	GRET	TIM
1.15	1ST	BLU KUMUL VS KULA	BISINI 1	1.00	RES	SOLO VS SEMINERI
2.40	U19	SOGERI VS SEMINERI VS GURIA		2.15	U19	SOLO VS KIRIWINA
3.55	PREM			3.30	PREM	SOLO VS KIRIWINA
1.30	RES	SUMAN VS KRIWINA	BISINI 2	1.00	U19	TARANGAU VS NP 16s
2.45	U19	SUNAM VS UNI		2.15	PREM	TARANGAU VS NP 16s
4.00	PREM	SUNAM VS UNI		3.30	RES	TARANGAU VS GURIA
1.30	1ST	KAPIT VS C'VOGAL	DIFENS	2.00	3RD 2ND	MOPI VS MANNAH HAUS BILAS VS TATANA
2.55	1ST	AMOANA MANOLOS		4.20	1ST	KE VS TOGELU
4.20	1ST	CO-OP VS KUNTA				
1.30	4TH	JEVEHA	ADKOL	1.00	3RD	ADKOL VS N.D.R
2.45	3RD	FRIGANO STH L'POOL		2.15	2ND	G'ENOUGH IS LORENGAU
4.00	2ND	AMUYAWA PARAMANA		3.30	1ST	AIR NIUGIN C'WOOD
1.30	4th	DAGANAWA KAMALI	UNI	1.00	4TH	GOMBA KIVENAVAU
2.45	2ND	BARISALEM ILIMO LUTH YTH		2.15	2ND	ALI UNITED I'RANGERS
4.00	2ND	TOKANEN		3.30	RES	MAEGIN VS G.F.C.
2.30	PREM	G.F.C P.W.D	G.F.C	2.30		G.F.C VS P.W.D
4.05		UNI VS P.W.D	RES			

Mosbi Strong Yet



Ol pilaia bilong Mosbi tim i pilai strong tumas na ol i ran spit tumas long ol pilaia bilong Koboni tim long Sarere. Dispela bikpela pilai i soim olsem Mosbi tim em i wanpela tim inap winim fainol bilong Osi Ruls long Mosbi.

Em i namba wan taim bilong Koboni tim long lusim wanpela pilai bilong ol. Tarangau, ol i lusim sempion ful bek bilong ol, John Wesley. Sapos dispela man i stap, ating bai Koboni i mas win yet.

Long namba wan kota Koboni i pilai wantaim win long baksait. Tasol ol i no kik gut. Long pinis bilong kota ol i go het long 7-pela poin tasol.

Mosbi i pilai wantaim win long namba tu kota. Dispela tupe-la fowud, Tau Mea na Alois Amon ol i kik gut tru. Tau i sutim tupela gol long dispe-la kota na Alois em i sutim tripela gol. Kain ran bilong tupe-la tu i olsem ol ka stret i save ran. Tupe-la i save spit tru. Conny Rangi long flank bilong Mosbi tim i save givim gut bal long ol fowud bilong em. Long pinis bilong namba tu kota, Mosbi i go pas long 23 poin.


Long namba tri kota pilai bilong Laka

Matapere na David Haro i strongim tru Mosbi tim. David i save kalap na paitim gut tru bal i go long ol pilaia bilong em. Na Laka tu i save kisim bal na salim stret i go long ol pilaia bilong em.

William Maha bilong Koboni i go san-ap long senta bek bilong Koboni. Tasol Mosbi i no wari. Ol i pilai strong yet na poin bilong ol i sut stret i go long 29.

Long taim William Maha i kam bek long baksait em i smukim tru ol fowud bilong Mosbi. Ol i pilai i go na Mosbi i go het long 10 poin tasol.

Tasol Alu Mata bilong Mosbi tim i sutim las gol bilong tim bilong em na Mosbi i win. ● L. Davison



PASIM STRET OL AUTOBOD MOTA

Taim yu baim autobod mota — yu baim Johnson tasol! Em i gutpela mota tru! Em i no nap bagarap kwik na em i save kai-kai liklik petrol tasol.

Steamships Machinery i save gut long ol autobod mota! Sapos yu laik, ol bai tokim yu long wanem kain mota i gutpela long bot o kanu bilong yu, na ol inap pasim mota long bot tu!


Johnson numba wan autobod mota long Papua New Guinea.



MACHINERY NA HARDWARE

Steamships Machinery i gat bikpela save moa long ol autobod mota!

PORT MORESBY
LAE
MADANG
RABAU
POPONDETTA
SAMARAI
VANIMO
KIETA



PHANTOM COMICS

Ol trikman i no inap long

NO. 681

Phantom

Tok Save

Sapos yu laikim bai bisnis bilong yu i kamap bikpela, o sapos yu laikim bai planti pipel i save long nem bilong yu. Orait, ring i kam long WANTOK NIUSPEPA na askim mipela long pe bilong putim tok save bilong bisnis bilong yu i go long ol pipel.

RING : 25 2500

**Wantok
Spot**

Taragau Stail

Long Sarere bilong wik i go pinis ya, PWD tim i kik wantaim Tarangau tim. Na tupela wantaim i sutim 3-pela gol. Na tupela i dro.

Tarangau tim i putim olgeta gutpela pilaia bilong em. Na PWD tim i lusim sampela pilaia bilong em ol Selan na Posolou.

PWD tim i sutim gol pas. Ol fowud na midfil bilong PWD i ran olsem ol liklik karakum. Ol i no malolo. Ol i mekim bek lain bilong Tarangau i longlong na Malachai i sutim namba wan gol. Tarangau bek lain i no makim gut ol pilaia bilong PWD. Olsem na rait winga bilong PWD tim, Sebastian i spit tru i go daun long wing na tanim i kam insait gen na sutim stret i go insait. Na long dispela taim goli bilong Tarangau i stat kros long bek lain bilong em.

Orait, ol i pilai i go liklik na Michael Cholai i no was gut long David Kambe. David i ran i kam tasol long mak bilong PWD na sutim namba wan gol bilong Tarangau. Ol i pilai i go na goli bilong PWD tim i kalap antap tru long paitim bal na rausim long mak bilong em. Na long taim em i pundaun han bilong em i tanim. Em i go ausait na arapela goli gen i kam kisim ples bilong em.

Long namba tu hap bilong pilai Willie Seph i kisim wanpela indairek fri kik klostu long mak bilong PWD.

Long lephan yu ken lukim Jonah bilong PWD tim wantaim Charles bilong Tarangau (raithan) i han lek wantaim long kisim bal. Tupela tim i dro, 3-3.

Long lephan Pierre Quaze bilong Yuni tim i hetim bal i go long goli bilong Maegin. Wanpela Maegin pilaia i resis wantaim em. Yuni tim i strong tru long dispela pilai na win, 4-0.

Ol pilaia bilong PWD tim i pasim gut tru ai bilong mak. Tasol Willie i glasim hap spes i stap tru long kona bilong mak. Em i kik tasol i go na bal i go insait. Em namba tu gol bilong Tarangau.

Liklik taim bihain Tarangau i kisim kona kik. Bal i flai i kam na wanpela pilaia bilong Tarangau i hetim i go bek long Charles na Charles i sutim namba tri gol bilong Tarangau. PWD tim i traim long bekim gol. Jonah i kisim bal na ran i go daun long lep wing. Em i go klostu long mak na em i kikim bal i kam bek insait. Sebastian i ran i kam tasol na sutim namba tri gol bilong PWD. Tupela i dro.

Ol gutpela pilaia bilong Tarangau em Charles na Tikio na Robert Popot. Ol lain i pilai strong long PWD em long Michael Cholai na Malachai na Jonah.

Sko bilong ol arapela pilai, Sunam i winim Guria, 2-1. Na Solo i winim Semineri, 1-0. Na Yuni i smukim Maegin, 4-0.

● Rainsau



AIR NIUGINI

THE NATIONAL AIRLINE OF PAPUA NEW GUINEA

HELPIM KANTRI GOHET



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.